

ՊԱՐԶԱԲԱՆՈՒՄ

«ՊԱՐԳԵՎ» սահմանափակ պատասխանատվությամբ ընկերության հայաստանյան մասնաճյուղը ՀՀ արդարադատության նախարարության իրավաբանական անձանց պետական ռեգիստրում գրանցվել է 13.04.2017թ. (գրանցման համար՝ 286.065.954182, ՀՎՀՀ՝ 02641447, գրանցման հասցե՝ Վազգեն Սարգսյան փ., Շ. 10, Երևան, ՀՀ, փաստաց գործունեության հասցե՝ Դրո փ. Շ. 13, Երևան, ՀՀ):

«ՊԱՐԳԵՎ» սահմանափակ պատասխանատվությամբ ընկերության հայաստանյան մասնաճյուղը հանդիսանում է «ՊԱՐԳԵՎ» սահմանափակ պատասխանատվությամբ ընկերության (գրանցված՝ Լեոնային Ղարաբաղի Հանրապետությունում, գրանցման համար՝ 353.110.20052, ՀՎՀՀ՝ 90281903, գրանցման հասցե՝ ԼՂՀ, Բ. Հաղբուր) առանձնացված ստորաբաժանումը:

ՀՀ հարկային օրենսգրքի 22-րդ հոդվածի համաձայն՝

«1. Հայաստանի Հանրապետության ռեզիդենտ կազմակերպություն (այսուհետ՝ ռեզիդենտ կազմակերպություն) է համարվում այն կազմակերպությունը, որի գտնվելու վայրը հանդիսանում է Հայաստանի Հանրապետությունը:

2. Հայաստանի Հանրապետության ոչ ռեզիդենտ կազմակերպություն (այսուհետ՝ ոչ ռեզիդենտ կազմակերպություն) է համարվում այն կազմակերպությունը, որը, սույն հոդվածի 1-ին մասի համաձայն, չի համարվում ռեզիդենտ կազմակերպություն:»:

«ՊԱՐԳԵՎ» սահմանափակ պատասխանատվությամբ ընկերությունը գրանցված լինելով Լեոնային Ղարաբաղի Հանրապետության իրավաբանական անձանց պետական ռեգիստրում չի հանդիսանում ՀՀ ռեզիդենտ կազմակերպություն, հետևապես այն ՀՀ-ում հանդես է գալիս որպես ոչ ռեզիդենտ կազմակերպություն:

ՀՀ ֆադաբացիական օրենսգրքի 61-րդ հոդվածի 3-րդ մասի համաձայն՝

«3. Ներկայացուցչությունները և մասնաճյուղերն իրավաբանական անձինք չեն ու գործում են իրավաբանական անձի հաստատած կանոնադրությունների հիման վրա:»:

«ՊԱՐԳԵՎ» սահմանափակ պատասխանատվությամբ ընկերության հայաստանյան մասնաճյուղը չի հանդիսանում իրավաբանական անձ, այլ հանդիսանում է ոչ ռեզիդենտ իրավաբանական անձի հայաստանյան մասնաճյուղ:

«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» ՀՀ օրենքի 60.2 հոդվածի 1-ին մասի համաձայն՝

«1. Հայաստանի Հանրապետության տարածքում գրանցված իրավաբանական անձը պարտավոր է տիրապետել արժանահավատ տեղեկությունների իր իրական շահառուների և նրանց՝ իրավաբանական

անձի իրական լազաաու հաղղիսանալու հիմքերի վերաբերյալ:»:

Նույն օրենքի 60.3 հոդվածի 1-ին մասի համաձայն՝

«1. Հայաստանի Հանրապետության տարածքում գրանցված իրավաբանական անձը պարտավոր է սույն օրենքով նախատեսված պատժան ուսումնասիրության արդյունքներով գործակալություն ներկայացնել իր իրական ճանաչողների վերաբերյալ հայտարարագիր:»:

Նշված կարգավորումներից հետևում է, որ իրական ռազմականության վերաբերյալ հայտարարագիր կարող է ներկայացնել Հայաստանի Հանրապետության տարածքում գրանցված իրավաբանական անձը, մինչդեռ վերոգրյալ պարզաբանումներից հետևում է, որ «ՊԱՐԳԵՎ» սահմանափակ պատասխանատվությամբ ընկերության հայաստանյան մասնաճյուղը չի հանդիսանում իրավաբանական անձ, իսկ վերջինիս ստեղծած կազմակերպությունը՝ «ՊԱՐԳԵՎ» սահմանափակ պատասխանատվությամբ ընկերությունը գրանցված չէ Հայաստանի Հանրապետության տարածքում, ուստի ոչ «ՊԱՐԳԵՎ» սահմանափակ պատասխանատվությամբ ընկերությունը, ոչ էլ «ՊԱՐԳԵՎ» սահմանափակ պատասխանատվությամբ ընկերության հայաստանյան մասնաճյուղը համաձայն ՀՀ օրենսդրության չեն հանդիսանում իրական ռազմականության վերաբերյալ հայտարարագիր ներկայացնող սուբյեկտ:

04 /01/2024p.

«ՊԱՐԳԵՎ» ՍՊԸ հայաստանյան մասնաճյուղի
տնօրեն՝ Իվան Ավանեսյան

[Handwritten signature] 23

